

皇
清
經
解

金

清

經

解

皇清經解卷五百零六

學海堂

爾雅正義

餘姚邵編修

晉涵著

釋言第二

正義大戴禮記四代篇云發志為言發言定名古謂之名今謂之字說文云直春曰言釋名云

言宜也宣彼此之意也上篇釋詁有十餘名而同一實者此篇所釋或連舉二字或祇釋一言惟涵於鹹苦也三言連舉為異耳古有以一句為一言者左氏定四年傳趙簡子稱子太叔語我九言論語云一言以蔽之曰思無邪皆以一句為一言也然論語即有以一字為一言者子貢問有一言而可以終身行之者乎子曰其恕乎以恕字為一言也戰國策云臣請三言而已曰海大魚左傳疏引易說云伏羲作十言之教曰乾坤震巽坎離艮兌消息是則一字為一言其來已久漢書東方朔傳云臣朔固已誦四十萬言亦以字計也此篇通古今之訓義多為釋詩而作

殷齊中也

註書曰以殷仲春釋地曰距齊州以南

正義上篇開章言始此篇

開章言中兩篇相承之義也殷者禹貢云九江孔殷史記夏本紀作九江甚中秋官大行人云殷相聘也齊者舜典云以

齊七政史記正義引尚書大傳云齊中也左氏文十八年傳云齊聖廣淵註書曰至以南南○正義以殷仲春堯典文釋文引馬融鄭康成註皆云殷中也此齊州以南見下釋地篇郭註亦見下

斯謔離也

註齊陳曰斯謔見詩

正義詩釋文引孫炎曰斯析之離說文云該離別也列子黃帝

篇不知斯齊國幾千萬里言離去中國也穀梁僖四年傳云於是哆然外齊侯也哆然離散之貌謔哆音義同註齊陳至見詩○正義齊陳曰斯方言言文陳風墓門云斧以斯之廣雅云斯離分也韓非子說林云斧離數創皆言離析也謔見詩者舊疏引小雅巷伯云哆兮侈兮

謔興起也

註禮記曰尸謔

正義說文云起能立也言作而起也謔者列子黃帝篇則未嘗見舟而謔

操之者也玉篇云謔起兒是也興者益稷云率作興事註禮記曰尸謔○正義士虞禮云祝入尸謔士虞禮記云尸謔祝前鄉尸亦見祭統

還復返也

註皆迴返也正義說文云返還也還復也易雜卦傳云復反也轉相訓也

宣徇徧也

註皆周徧也正義說文云徧布也言周布也宣者大雅文王云宜昭義問淮南時則訓必宣

以明徇者史記五帝本紀幼而徇齊索隱云幼而才智周徧且辯給也墨子公孟篇思慮徇通徇本作旬江漢云來旬來宣毛傳旬徧也說文云旬徧也

駟遽傳也

註皆傳車駟馬之名

正義傳乘傳也今通謂之驛說文云駟驛傳也驛置騎也傳遽

也遽傳也玉藻云士曰傳遽之臣鄭註傳遽以車馬給使也左氏僖三十三年傳云使遽告于鄭昭二年傳云乘遽而至成五年傳云以傳召伯宗晉語云遽人來告列子說符篇使遽人來謁之皆言驛也驛又通作繹大雅常武云徐方繹騷鄭箋徐國傳遽之驛註皆傳至之名○正義左傳疏引舍人云駟尊者之傳也案文十六年傳云楚子乘駟故以為尊者之傳然襄二十一年傳云乘駟而見宣子二十七年傳云子木使駟謁諸王二十八年傳云吾將使駟奔問諸晉則駟不專屬尊者矣左傳疏又引孫炎云傳車駟馬詩江漢釋文云以車曰傳以馬曰遠顏師古漢書註古者以車謂之傳車其後又單置騎驛而使者是也古無單騎郭意以車馬可以互見不必分屬較孫義為長釋文引郭氏音義云駟本或作遙聲類云古駟字同

蒙荒奄也

註奄奄覆也皆見詩

正義說文云奄覆也謂掩覆也蒙者方言云蒙覆也說文作冡

覆也左氏襄十四年傳云蒙荆棘杜註蒙冒也說文云冒冢而前也荒者書疏引孫炎云荒大之奄益稷云惟荒度土功鄭註荒奄也註皆見詩○正義鄘風君子偕老云蒙彼縹緜謂以縹緜覆體也魯頌閟宮云遂徐荒宅又喪大記云黼荒鄭註荒蒙也在上曰荒蓋取其相奄覆故曰荒

告謁請也註皆求請也正義請謁告也已見釋詁告謁又為請轉相訓也

肅雍聲也註詩曰肅雍和鳴正義小雅鴻雁云肅肅其羽邠風匏有苦葉云雝雝鳴雁皆言聲音

單舉其文亦為聲註詩曰肅雍和鳴○正義周頌有瞽文

格懷來也註書曰格爾眾庶懷見詩正義來格懷至也已見釋詁格懷又為來轉相訓也

方言云格來也自關而東周鄭之郊齊魯之間或謂之格或曰懷格俗古通用註書曰至見詩○正義格爾眾庶湯誓文懷見詩者齊風南山云曷又懷止鄭箋懷來也夏官之屬懷方氏鄭註主來四方之民

眇底致也註皆見詩傳正義眇告也底止也已見釋詁眇底又為致義相成也曲禮云眇於鬼神鄭註

眇致也眇或為祇禹貢云覃懷底績史記夏本紀作覃懷致功左氏昭三十年傳云明底其情祇底致三字以音相近為

義也〔註〕皆見詩傳。○正義〔義〕訓為致今於毛傳無考疑在齊魯韓詩周頌武云耆定爾功毛傳耆致也釋文耆毛音指左氏宣十二年傳云耆昧也杜註耆致也致討於昧

侈怙恃也〔註〕今江東呼母為侈

〔正義〕說文云恃賴也侈者廣韻云恃事曰侈龍龕手鑑引舊註

云侈恃事自侈也荀子非十二子篇儉然侈然楊倞註侈然恃尊長之貌怙者諡法解云怙恃也左氏宣十五年傳云怙其雋才定四年傳云無怙富無恃寵〔註〕今江至為侈。○正義小雅蓼莪云無父何怙無母何恃釋文引韓詩云怙賴也恃負也郭氏引方俗語以證侈有母稱也方言云南楚濕涸之間謂婦妣曰母侈稱婦考曰父侈廣韻侈侈皆承紙切其義同也侈本作侈說文云侈恃也

律述也〔註〕皆敘述也方俗語耳

〔正義〕釋詁云述循也說文云述循也詩疏引爾雅作聿曰

述也律與聿通通與曰通孫炎云述古述字讀聿是也小雅角弓云見覲曰消大雅抑云曰喪厥國釋文引韓詩作見覲聿消聿喪厥國文王有聲云述追來孝禮器引作聿追來孝縣云予曰有先後予曰有奔奏楚詞章句引作予聿有奔走予聿有先後文王云聿修厥德漢書東平思王傳引作述修厥德〔註〕皆敘至語耳。○正義中庸云上律天時鄭註律述也

又鄭註春官典同亦云律述氣者也史記索隱引釋名云律述也所以述陽氣也郭云方俗語者言其聲相近也

俞畐然也註禮記曰男唯女俞畐者應也亦為然正義堯典云帝曰俞史記

五帝本紀凡書作曰俞者皆作曰然祭義云如語焉而未之然鄭註如有所以語親而未見答廣雅云對畐也曹憲云今人以答字為對答失矣註禮

記至女俞。正義內則文

豫臚敘也註皆陳敘也正義說文云敘次第也鄭註鄉射禮云今文豫為序釋地釋文引春秋元命包

云豫之言序也晉語云豫而後給又云風聽臚言于市韋註臚陳也史記六國表臚于祭祀又周禮象胥干寶註云今鴻

臚漢書蘇林註上傳語告下曰臚韋昭註臚陳敘也莊子釋文引向秀註從上語下曰臚傳是也臚通作旅燕禮云賓以

旅酬於西階上鄭註旅序也

庶幾尙也註詩曰不尙息焉正義下文云庶幸也詩疏引易說云幾覲也是庶幾者幸覲之意也

說文云尙庶幾也徐鍇繫傳云春秋左傳曰尙克知之庶幾知之也左氏襄十六年傳云引領西望曰庶幾乎註詩曰不

尙息焉。正義小雅菀柳文

觀指示也註國語曰且觀之兵

正義說文云示所以示人也穀梁隱五年傳云非常曰觀仲尼

燕居云其如指諸掌而已乎註國語至之兵。正義周語祭公謀父之辭

若惠順也註詩曰惠然肯來

正義釋詁云順敘也釋名云順循也循其理也堯典云欽若昊天史

記作敬順昊天舜典云亮采惠疇禮運云長惠幼順註詩日至肯來。正義邛風終風文

敖憊傲也註禮記曰無憊無敖傲慢也

正義說文云傲倨也倨不遜也小雅桑扈云彼

交匪敖漢書五行志引作匪傲匪倨巧言云昊天太憊鄭箋于甚傲慢石經憊作憊古字通註禮記至慢也。正義無憊無敖投壺文傲訓為慢者釋名云漫也漫漫無所限也

幼鞠穉也註書曰不念鞠子哀

正義方言云穉年小也說文云幼少也曲禮云十年曰幼鞠通

作鬻幽風鬻子之閔斯毛傳鬻稚也詩疏引郭氏音義云鞠一作毓石經穉作稚註書曰至子哀。正義周書康誥云兄

亦不念鞠子哀

逸譽過也註書曰汝則有逸罰

正義言過失也說文云逸失也愆過也酒誥云不惟自息乃逸

牧誓云不愆於六步七步史記作不過六步七步左氏哀十六年傳云失所為愆註書曰至逸罰○正義舊疏引書盤庚云惟予一人有佚罰費誓云汝則有常刑無云汝則有逸罰者帥讀不同故也誓與愆同大雅抑云不愆于儀緇衣引作不誓于儀

疑休戾也

註戾止也疑者亦止

正義釋詁云戾止也疑者鄉射禮云賓升西階上疑立鄭註疑

止也大雅桑柔云靡所止疑鄭箋無有止息時休者說文云休息止也月令云毋休于都

疾齊壯也

註壯壯事謂速也齊亦疾

正義釋詁云齊速疾也疾齊又為壯力義相成也墨

子尚賢篇有力者疾以助人淮南說山訓力貴齊齊知貴捷皆與速同義壯本或作莊大雅云思齊太任毛傳齊莊也疏以為釋言文內則云進退周旋慎齊鄭註亦云齊莊也

慄徧急也

註皆急狹

正義說文云急徧也慄急以聲相近為義也古音慄戒棘革極急通用檜風云棘人

樂樂兮讀詩記引崔靈恩集註作慄人小雅六月云我是用急鹽鐵論引作我是用戒大雅文王有聲云匪棘其欲禮器引作匪革其猶檀弓云夫子之疾革矣文選註引倉頡篇云革成也淮南覽冥訓安之不極高誘註極急也徧者廣雅云

褊狹陋也魏風葛屨云維是褊心左氏昭元年傳云以敝邑褊小莊子山木篇雖有褊心之人皆言急狹也

貿賈市也

註交易物為貿詩曰抱布貿絲

正義說文云市買賣所之也貿易財也賈

賈市也一日坐賣售也白虎通義云賈者固也言固物以待民來求其利也鄭註地官司市云通物曰商居賣物曰賈左氏昭十三年傳云如市賈焉註交易至貿絲。正義今本闕交易物為貿五字今據眾經音義所引郭註增補詩衛風氓

文

匪陋隱也

註禮記曰匪用席書曰揚側陋

正義釋詁云隱微也說文云隱蔽也匪者

喪大記云甸人取所徹廟之西北匪薪用爨之疏引熊安生云匪謂西北隅匪隱之處徹取屋外當匪隱處薪陋者左氏成八年傳云辟陋枉夷陋本或作漏大雅抑云尙不愧于屋漏鄭箋漏隱也疏以為釋言文案釋宮云西北隅謂之屋漏與喪大記所云西北匪者其義相通註禮記至側陋。正義儀禮士虞禮有司徹俱有匪用席之文鄭註匪隱也于匪隱之處從其幽闇特牲饋食禮云匪用筵註作禮記疑傳寫之訛書曰揚側陋堯典文

遏遼逮也

註東齊曰遏北燕曰遼皆相及逮

正義釋詁云逮及暨與也遏本作曷

小雅四月云曷云能穀毛傳曷逮也遯本作逝邶風日月云逝不古處毛傳逝逮也通作噬唐風有杕之杜云噬肯適我毛傳噬逮也釋文引韓詩作逝逝及也則噬本亦作逝今作遯或體字也註東齊至日遯。正義方言云蝎噬逮也東齊日蝎北燕日噬逮通語也郭註蝎作遏噬作遯音義同

征邁行也

註詩曰王于出征邁亦行

正義說文云征正行也邁遠行也泰卦云拔茅征吉

周頌云時邁其邦註詩曰至出征。正義小雅六月文

圯敗覆也

註謂毀覆

正義釋詁云圯毀也又為覆也說文云敗毀也覆要也左氏僖十五年傳云侯車敗

謂車覆也

荐原再也

註易曰水荐至今呼重蠶為蠱

正義說文云一再舉而二也廣韻云再重

也舊疏引孫炎云荐草生之再也左氏襄二十二年傳云不虞荐至杜註荐仍也文王世子云末有原鄭註原再也註易曰至為蠱。正義水荐至坎卦象辭夏官馬質云禁原蠶者舍人本作蠱

撫收撫也

註撫愛撫也收寧見書

正義說文云撫安也謂愛而相安也撫本作收說文云收

撫也讀與撫同又云牧撫也周書曰亦未克牧公功讀若弭
案說文引書洛誥之文周禮疏引鄭註云牧安也撫訓爲安
牧亦訓安轉相訓也〔註〕撫愛至見書○〔正義〕方言云撫愛也
韓鄭曰撫說文引之方言又云宋衛邠陶之閒曰撫郭氏取
方言爲釋也牧寧見書者大誥云予翼以于牧寧武圖功

臞瘠也

〔註〕齊人謂瘠爲臞

〔正義〕瘠說文作臞瘠也周禮大司

年傳云瘠則甚矣杜註瘠瘠也臞者史記索隱引舍人云臞
瘠也文選註引舊註云臞肉之瘠也說文云臞少肉也韓非
解老云子夏內戰而臞臞者說文云齊人謂瘠腹爲臞
臞臞也與郭註同玉篇云齊人謂瘠腹爲臞

桃頰充也

〔註〕皆充盛也

〔正義〕釋詁云崇充也此篇又釋桃頰俱

云孫本作光堯典云光被四表周語云故能光有天下韋昭
註光大也淮南修務訓段干木光於德寡人光於勢皆言充
也光通作橫戴震曰樂記號以立橫鄭註橫充也孔子閒居
篇以橫於天下鄭註橫充也堯典古本必有作橫被四表者
橫被廣被也漢書王莽傳昔唐堯橫被四表後漢書馮異傳
云橫被四表高誘淮南註橫讀桃車之桃是其證案祭義云
溥之而橫於四海淮南原道訓橫之而彌於四海橫光聲相
近故漢人稱橫門爲光門後世猶沿其舊矣頰光也已見釋

詰通作耿晉語云其光耿於民矣

婁暱亟也〔註〕親暱者亦數亟亦數也〔正義〕鄭註少儀云亟數也釋文云婁又作屢今經傳

通作屢益稷云屢省乃成暱者左氏成十三年傳云暱就寡人暱本或作昵眾經音義引爾雅云昵亟也親昵亦數也

靡罔無也爽差也爽忒也〔註〕皆謂用心差錯不專一俾貳也〔註〕

俾次為副貳〔正義〕衛風氓云靡室勞矣又云土也罔極又云女也不爽土貳其行此釋之也毛傳靡無也爽

差也俱本爾雅無說文作𡗗亡也奇字作无谷風云何有何亡地官司市云亡者使有亡與無古通用益稷云罔水行舟

史記作無水行舟靡罔皆義之常行者故郭氏無註忒說文作恁失常也周語云實有爽德月令云無或差貨豫卦傳云

四時不忒鄭註忒差也是差忒義相通也俾者說文云俾次也鄭註特性饋食禮云次猶貳也次音義同〔註〕皆謂至專

一○正義大雅瞻卬云鞠人忒疏引孫炎云忒變雜不一郭註本孫炎言差忒皆變雜不一也○俾次為副貳○正義

鄭司農註天官小宰云貳副也說文云貳副益也文選司馬子長報任少卿書云僕又俾之蠶室注引如淳日俾次也若

人相次也

劑翦齊也

〔註〕南方人呼剪刀為劑刀

〔正義〕齊者斷也說文云劑齊也義本爾雅又云翦齊

斷也亦本爾雅為義天官小宰聽賣買以質劑劑者所以斷其不齊也秋官之屬有翦氏鄭註翦斷滅之言也魯頌閟宮云實始翦商毛傳用爾雅鄭箋翦斷也〔註〕南方至劑刀○〔正義〕說文繫傳引字書曰剪刀劑也

饋饌稔也

〔註〕今呼資飢為饋饋均熟為饌

〔正義〕大雅泂酌云可以餽饌此釋之也詩

疏引孫炎曰蒸之曰饋均之曰饌說文云餽飮也餽或作饋饌飮氣流也釋名云饋分也眾粒各自分也釋文引字書

云饋一蒸米也詩疏誤以字書為說文舊疏復仍其誤玉篇云饋半蒸飯饌飯氣蒸也釋文云稔字又作飪說文云飪大

熟也稔亦訓熟故饋饌為稔也〔註〕今呼至為饌○〔正義〕詩疏引郭註云今呼餐者修飯為饋饋均熟為饌者修二字當作

音修舊係旁註混入正文監本闕均字今據補郭氏以餐飯為饋据時俗語也廣雅云饋謂之餐釋文引倉頡篇云餐饋

也孔疏蒸米謂之饋饋必饌而熟之故言饋饌

媵將送也

〔註〕左傳曰以媵秦穆姬詩曰遠于將之

〔正義〕說文云送遣也舊文

作遊媵說文作倂云送也呂不韋曰有侁氏以伊尹倂女後漢書註引孫炎云送女曰媵是也將者詩疏引孫炎云將行

之送也鄭風丰云悔予不將兮文子符言篇來者不迎去者不將是也又燕禮云媵觚于賓咸卦傳云媵口說也天官小宰云裸將之事公羊文十五年傳云荀將而來也媵將俱訓為送也註左傳至將之正義以媵秦穆姬僖五年傳文遠

于將之邨
風燕燕文

作造為也

正義說文云作起也造就也皆與為義相通穀梁僖二十年傳云作為也禹貢云大陸既作史記作大陸

既為王風兔爰云尚無造毛傳造偽也大雅思齊云小子有造毛傳造為也為偽古通用

養餽食也

註方言云陳楚之間相呼食為養也正義釋名云食殖也所以自生殖也

養餽俱訓為食說文云養餽也餽乾食也周書曰峙乃餽糧徐鍇繫傳云詩乾餽以愆今人謂飯乾為餽案說文引書費

誓之辭也今本作峙乃糗糧釋名又云餽候也候人饑者以食之也註方言至為養正義方言云養食也陳楚之內相

謁而食麥饘謂之養說文云陳楚之間相謁食麥飯曰養與郭註所引字句微異

鞠究窮也

註皆窮盡也見詩正義說文窮極也鞠作鞫窮也又通作鞠盤庚云爾惟自鞠自苦墨

子尚賢篇云大用之天下則不究小用之則不困註見詩正義大雅瞻卬云鞠人伎忒蕩云靡屈靡究

鹵矜鹹苦也註鹵苦地也可矜憐者亦辛苦苦即大鹹正義釋名云苦

吐也人所吐也鹵說文作鹵西方鹹地也東方謂之廣西方謂之鹵王篇云鹵苦地也書曰海濱廣鹵本亦作斥按今本禹貢作廣斥與王篇所引異左氏襄二十六年傳云表淳鹵矜者廣雅云鹵矜大也是矜與鹵義同釋文作鹵本又作矜王篇云鹵苦也鹹者說文云鹹銜也北方味也註可矜至大鹹正義舊疏引小雅鴻雁云爰及矜人毛傳云矜憐也苦即大鹹者淮南地

干流求也註詩曰左右流之流覃也覃延也註皆謂蔓延相被

及正義干者公羊定四年傳云以于闐廬何休註不待禮見

利之士皆言求之亟也流訓為求以聲相近為義流又訓覃

覃訓為延轉相訓也樂記云流而不息大雅蕩云覃及鬼方

註詩曰至被及正義左右流之周南關雎文葛覃疏引王

桃偷也註謂苟且正義小雅鹿鳴云視民不慄毛傳桃偷也桃

偷二字俱从心今本爾雅俱从人說文徐鍇